



www.breaksnorthwales.co.uk



www.adventure-northwales.com



www.golf-northwales.co.uk



www.walkingnorthwales.co.uk



www.moviemapnorthwales.co.uk



www.eventsnorthwales.co.uk



www.gardensnorthwales.co.uk



www.attractionsnorthwales.co.uk



www.walledtowns.co.uk



www.giantsnorthwales.co.uk

egroeso

bwletin electronig gan
Bartneriaeth Twristiaeth Gogledd Cymru

Gwyliau byr yn rhoi hwb tymor hir

01745 589020

Gwyliau byr yn rhoi hwlb tymor hir

Mae'r rhai sy'n rhedeg busnesau twristiaeth yng Ngogledd Cymru yn barod i fanteisio ar boblogrwydd cynyddol gwyliau yn y wlad hon.

Golyga'r dirwasgiad a gwendid y bunt fod llai a llai o bobl yn mynd ar wyliau tramor – a'u bod yn hytrach na hynny'n dewis gwyliau byr yn nes at adref.

Mae Partneriaeth Twristiaeth Gogledd Cymru, y corff sy'n gyfrifol am ddatblygiad strategol economi ymwelwyr y rhanbarth, yn bwriadu cynnal ymgyrch fawr i hyrwyddo gwyliau byr yma.

Hyd yn oed cyn y wasgfa ariannol, roedd gwyliau byr yn datblygu i fod yn ddimensiwn cynyddol bwysig o'r economi ymwelwyr ond mae'r dirwasgiad wedi cyflymu'r duedd.

Yn awr mae'r Partneriaeth Twristiaeth yn buddsoddi £25,000 yn yr ymgyrch ar-lein ac mae'n hyderus y bydd hyn yn creu elw o £500,000.

Mae hynny'n gyfystyr â chreu £20 am bob £1 y mae'r Partneriaeth Twristiaeth yn ei gwario.

Eglurodd Carole Startin y Swyddog Marchnata Gweithredol: "Mae'r farchnad am wyliau byr wedi bod yn tyfu ers pedair neu bum mlynedd o leiaf a dyna pam ein bod wedi bod yn canolbwyntio ar y rheiny yn hytrach na pheynnau gwyliau traddodiadol.

"Rydym yn dal i farchnata gwyliau arbenigol

mewn meysydd fel golff, gerddi, cerdded ac antur ond bellach mae gwyliau byr cyffredinol yn gyfrifol am 80 y cant o farchnad y DU.

"Mae gwyliau byr yn cefnogi cymaint o'n hymgyrchoedd eraill. Ar wahân i'r farchnad ymwelwyr dydd ar gyfer atyniadau, rydym bob amser yn chwilio am ffyrdd o berswadio pobl i aros a threulio mwy o amser yma.

"Dydym ni ddim yn argraffu llyfryn gwyliau byr gan fod ein hymdrechion i gyd ar-lein yn awr.

"Mae gennym y wefan www.breaksnorthwales.co.uk a gall ymwelwyr archebu ar-lein unrhyw awr o'r dydd neu'r nos gyda'r 100 a mwy o ddarparwyr llety sydd arni – ac mae pethau'n gweithio'n dda.

"Bellach mae pawb sy'n chwilio am rywle i fynd ar eu gwyliau yn troi at y rhyngwyd yn y lle cyntaf.

"O ran llety, yn ogystal â gwneud eu gwaith ymchwil ar-lein, maen nhw hefyd yn archebu ar-lein.

Yn ôl Ms Startin, roedd mwy a mwy o bobl yn penderfynu cymryd gwyliau yn y wlad hon yn hytrach na gwibio i Ewrop neu ymhellach draw gan fod gwendid y bunt yn gwneud gwyliau tramor gryn dipyn yn ddrytach.

Yn hytrach nag aberthu eu gwyliau

blynyddol, roedd pobl yn dewis cymryd mwy o wyliau byrion neu gymryd eu prif



wyliau yn y DU.

Ychwanegodd Ms Startin: "Yn sicr, mae'r rhan fwyaf o ddarparwyr llety, atyniadau a busnesau twristiaeth amrywiol yng Ngogledd Cymru wedi cael blwyddyn dda, sy'n mynd yn groes i'r duedd.

"Mae pobl yn gyndyn o aberthu eu gwyliau i gyd ac mae gwyliau byr yn dod yn opsiwn mwy deniadol.

"Nid moethusrwydd yw gwyliau yn awr, maen nhw'n saib angenrheidiol i gael gwared ar straen i'r rhan fwyaf o bobl a'n nod yw gwneud yn siŵr fod mwy a mwy ohonyn nhw'n ailddarganfod pleserau Gogledd Cymru.

"Rhan o'n hymgais i ailgyflwyno Gogledd Cymru yw pwysleisio nad ydym yn canolbwyntio ar wyliau maith y blynyddoedd a fu – rydym yn targedu'r farchnad gwyliau byr.

"Rydym yn ymdrechu i ddod yn brif leoliad antur Gogledd Cymru ond mae cymaint mwy i'r rhanbarth na chwilio am gyffro a gwefr.

"Mae pobl yn rhyfeddu wrth weld cymaint sydd i'w wneud yma ac un o'n heriau yw cyfleu hynny i ddarpar ymwelwyr.

"Ar gyfer 2010, rydym yn canolbwyntio llawer mwy ar ddenu busnes, a chael y brand gwyliau byr allan yna – gan ddefnyddio cysylltiadau cyhoeddus i greu straeon a marchnata gan ddefnyddio cronfa ddata.

"Byddwn yn targedu pobl o Ogledd Orllewin, Gogledd Ddwyrain a Chanolbarth Lloegr yn

ogystal â'r Siroedd Cartref sydd â diddordeb mewn gwyliau hamdden yn y DU.

"Byddwn yn e-bostio gwybodaeth atyn nhw am y cynigion sydd gennym yng Ngogledd Cymru adeg gwyliau'r ysgol, y Pasg a Gwyliau Banc eraill.

"Mae'r wefan yn cael ei diweddarau'n gyson ac rydym yn gwneud llawer mwy i optimeiddio'r peiriant chwilio i wneud yn siŵr ein bod yn ymddangos yn uwch ar restr Google.

"Bydd y wefan hefyd yn siop un stop i bobl sydd eisiau archebu llyfryn ar gyfer unrhyw un o'm hymgyrchoedd Gogledd Cymru.

"Ein nod yw cael 130,000 o ymwelwyr â'r wefan Gwyliau Byr yn 2010 sy'n gynydd o 300 y cant ar eleni.

"Byddwn hefyd yn mesur y gyfradd glicio o ran y bobl sy'n trosi'r diddordeb cychwynnol hwnnw'n archebion trwy glicio ar fotwm archebu'r wefan.

"Yn ystod y flwyddyn neu ddwy nesaf, bydd diffyg ffydd y defnyddiwr yn yr economi unwaith eto'n golygu bod mwy o bobl yn cymryd gwyliau yn y DU a bydd Gwyliau Byr Gogledd Cymru yn ceisio manteisio ar y duedd hon."

